

Fol. CV

vermöglichen Personen ixe Ladſchafft mit ainem vil
 merern vnkosten/ dann bey iren voretern geſchehen iſt/
 halten/ vnd mit manicherlay richen vnd trachten/ koſtli-
 cher ſpeiſ vnd getrancks/ ainen groſſen vnrat vnd vber-
 fluß gebrauchten/ darauff dann eruoigt/ das die andern ge-
 ringers vermögens/ auch der gmain man/ von eytier eh-
 rühms vnnnd prachts wegen/ dergleichen zethün ſich vn-
 derſtehen / vnnnd dardurch ye lenger ye mer zü vberflußi-
 gem eſſen vnd trinckē/ auch vnnuzlicher verſchwendung
 der güter geratzt werden/ dauon am maiſten vnnnd für-
 nemlichſten die beſchwerlich langwirig theürung (wie
 die yetz ſchier in allen pferwerten vor augē) entſpringt/
 vnd täglich zünimbt/ Welcher vnrat vnd vberfluß Gott
 dem Allmechtigen ſonder miſſellig/ auch durch ſeine göt-
 liche geſatz/ verpoten vnd ſtraſlich iſt/ So wöllen Wir
 hiemit alle vnd yede vnſere Ambtleüt/ auch die Landſäf-
 ſen vnd Inwoner vnſers fürſtentumbs/ genedigtlich er-
 mant haben/ das ſich ain yedlicher auß ſchuldiger vnd bil-
 licher forcht Gottes/ auch jme ſelbs zü nutz vnnnd gutem
 von ſolchem vberfluß enthalt vnd abziehe / Vnnnd wie es
 ſeinem ſtand vnd weſen nach ſich gebürt/ darin zimlicher
 maß gebrauch/ dabey wir dann denſelben vnſern Ambt-
 leüten/ auch den vnſern von der Landſchafft/ hie gebotten
 vnd auſſerlegt haben wöllen/ das ſy in iren amtsuerwal-
 tungen vnd Obrigkeiten/ in Stetn/ Märcktn vnnnd auff
 dem land/ bey dem gmainen man / iren amtsuerwon-
 ten/ vnd vnderthonen ſouil möglichen/ darob ſeyen/ auch ge-
 bürllich gut ordnung fürnemen / damit ſölcher vberfluß
 vnd ſchödllich verſchwendung abgeſtelt/ vnnnd ain erbare
 zimliche maß gebraucht werde / daran beſchicht das / ſo
 Gott wolgefellig/ auch an jm ſelbs löblich vnnnd billich /
 auch zü fürderung des gmainen nutz/ hoch dienſtlich vnd
 von nöten iſt.

Ander Articul.

Von